

Tamitya Catera Tesadonica Janvaju

Pávuravedabay nuyadara catera Tesadónicamu siityariivavyedabajyu

¹ Ray Pávuru, Sinubánuta, Timutévuta jarye, nuñúrya catera jiryeyyu, Tesadónicamu vichavay, jiryatiy savicha Vuryindenu jiryeyje, savicha Jesucristu jiryentyityuntiy. ² Samiryá jiryecha, samiryá racha jiryejechiy varidye, Vujye Judenumusiy, Nutyityu Jesucristumusiy jarye racha darya jiryeyyu.

Satanuvunu Judenu riy juuchatavay sanumatiy jutí Crístu

³ Nuryijchanatyasarani Judenu jiryenchiy, ratyeryiveda, daryanuma nutyu samiryá nta rasanuma jaryi jiryetyuvachoda Judenumu, jamuravajunuma jiryevyatada nuñi tiquimusiy jiryedye. ⁴ Daryamusiy nuñi tuchunumaya Judenu siityariivajyuuva jiryenchiy, nuñichanatyá variy jiryé, jiryatiy jiryetyuvachodamucha simu Judenu paruchariñubera, riryavittyuyada nijyanvay variy jiryé, jiryejechintyara jarupadoda.

⁵ Ramusiy jita jvadichara darya Judenu murichedoda samiy, satidye jtay: “Jiryeni jita rasaravay varidye rañsujyomu jayadaju,” ne jiryinuy ramu jayasadiva jarupanusavay

jiryedye. ⁶ Jüdenü raparutyatanijeya rivantidyeryi rityi parutyatanijeya jiryentyidye.

⁷⁻⁸ Sasay variy jütuyada jiryey, jiryatij jarupanusavay daryaju jiryevyichanuyada, jiryatidye jütuy variy nüdyisa, sanumatiy dityanu Nutyityu Jesús variy jarichumusiyyu, supavajyuu yisa, jiryatij sajpa jivyanuyadata riy; satidye murichenutaniy jüdatya variryi, jaryi quivedatara, jiryatij ne ridyetyaruy daryajuni Jüdenü, ne rityuvachuruy ramu samituchoda sanchiy Vuyntyityu Jesúsntiy. ⁹⁻¹⁰ Riñi

jmutyara ramurichenusada, riryaparutaye Jüdenü momusiy, sada vandamusiy, jiryatij savanuyadadara, sanumatiy jutü satidye vicha vanda nuyadatü jijiintyasavamyu, sachä tittasü variy rijyü tütaju simu tuvachuvay variryundamu, jiryatij jiryetyuvachoda daryaju nutyuchodamu.

¹¹⁻¹² Ramunitiy nutyuchusara sisa Vuryindenu jiryeyadaju, satidye bay rasaravay variy jiryey, sanatuyadaju, (jiryatij sanatuy yentyutyadaju vuy), satidye jtötaniy variy jiryimura tütaju samiy jvaaryuyada, tütaju jvaayada jiryatij jiryivaay jityuvachodamura, savanuyadata, riryatidye jchanatya nijyanvaryä Vuyntyityu Jesús jtya, riryajchanatya jiryimusirya, riryajchanatya simusiy jiryentyidye, Vuryindenu jmutyadata, Nutyityu Jesucristu jmutyadata jarye.

2

Juuchurveda jamü

1-2 Nujechiñuy jita jiryiva, ratyeryiveda, ne jiryecha vanira siquityavay jiryechepiyajadamu, ne rajnutay jiryechiy variy ranchiy, Vuyntyityu Jesucristu mutijadanchiy, jiryatiy vuryantyeryaniy variy sidchoju vuy. Ne rasiquitya jiryechiy variy saryityi tuchu ti jiryiva: “Rajotanuma Nutyityu runda,” dantyamuy ne saryityi jtay sadatya Judenu Jnutumusirya, dantyamuy ne saryityi jtay satuvachu rañiquera, dantyamuy ne saryityi jtay sumutyara catera rimusiy. ³ Ne jiryaquivuchutaniy titayu, mitya. Ne jiryinuy ne rajota Nutyityu runda, netimyu ne riryajanumitye nijyanvay sayaroju Judenu, netimyu ne sadityanu juuchadodajami dayu, nitiy parutedajusi day. ⁴ Nini mityasiyanu sayaroju titaju jiryatiy rutay Judenu dañi, sadirya jibeyada variy jaryiñuyu, titaju nijyanvay vatasiju, jasicharajutiy samasa Judenu vichajomu, Judenu nta sadityadoda variyu. ⁵ Ne viy jiryechipityara jiryatiy ratyuchoda jiryivara, variñumatiy ravyichada jiryisa. ⁶ Diye jita jiryedyetyisatya tara richechujani, sañuma dityanu jiryundajisiyu. ⁷⁻⁸ Tapi rivaañuma juuchueda dutyadamusiyu, vinu nitiy richechujay diyera, sarichechujay sasipyatedasaraju rajachesiyu, variñumatiy sadityanu juuchadodajamiyu, nitiy sajvay Nutyityu Jesús jiñeryeyajadata, sajvay jimyutijadadata variñi.

⁹⁻¹⁰ Juuchadodajami mutijada jita racha Satanasiy vanutyadamusidye, titaju vanuyadata, datyadoda quivuchusarata jarye, tittasara quivuchusarata jarye risaju, titaju vacha

quivuyadata rijyu parutisavay, jiryatimyu ne rityuvachuruyada ramu sitenu niqejada day, riryatidye vicha jantyutyasavay varyi. 11-12 Ramunītiy supasara Judenu rूमura vanūtyada quivuyada, riryatidye tuvachu quivuyadamu, riryatidye vicha jatyasavay, rityimyu ne tuvachuruy ramu sitenu niqejada, rucanuyada jītara vacha vichada day.

*Sajaryetada Judenu yentyutyadajuriy
Tesadónica janvavyedabay*

13 Nuy jīta raryi jchanatyasarani Judenu jiryenchiy, ratyeryiveda, jiryatiy Nutyityu vatasavay jirye, tapi sajaryetada rajottiyamusiy jiryedye, jiryeyada rayadaju, jiintyadamusiy, jiryatiy sajiintya yimuju Yintuta jirye, tuvachodamusiy jarye jiryatiy jiryetyuvachoda ramu sitenu tuchoda. 14 Ramu jīta sanatuyada jirye samituchodata jiryatiy nutyuchura, jiryatidye canarya Vuyntyityu vanda, jiryatiy Jesucristudá darya. 15 Daryantya jīta, ratyeryiveda, jiryantya surutyaniyu, jiryantya jiriryira datyadoda jiryatiy nudetyadoda jiryerya, varimyata nuñiquera, daryantya nuñuy cateravara.

16 Vuyntyityu Jesucristu jīta, Vujye Judenu jarye, nītiy vatada vuy, nītiy sajeyasara jachisurutyada vuy, sasay samirya nutuyada vuy, samirya jachipiyajadamuju. 17 Santya vanūtyara jiryechiy, santya surá jirye, jiryatidye jvaay samirya titajura, jiryanique samirya titajuntirya.

3

Jiryatuchu Judenujsa nudyeyadaju

¹ Nuñitay jita tamitya, ratyeryiveda, jiryantya tuchu sisa Judenu nudyeyadaju, ratidye ray Judenu niquejada, riryajchanatya nijyanvay varirya nutyu jiryichanatyatiy jiryerya.

² Jiryajachiñuy sivantiy, satidye jantyuy nudyiva riryajisiy taji jachipiyavay, vacha jvaavye jaryentiy, jiryinuvyitya ne tuvachuvay titaju daryi. ³ Jtotanirya jita Vuntyityu day, niday ravanutya jirye, sajantyuy jiryiva, vacha jachipiyajada jamijisiy.

⁴ Nudyetya jita Nutyityumu jiryenchiy, jiryatiy jiryivaarya nutyuchoda, jiryajvaajeyasarantirya.

⁵ Santya vasenu Nutyityura jiryejechiy, Judenu vatadamuju, Crístu jachidedamujuntiy.

Vuryecha jvaavye

⁶ Nuñitay jita jiryiva, ratyeryiveda, Nutyityu Jesucristu jtyamu nuñitay: Jiryajiintye riryajisiy vutyeryiveda jiryatiy pituvyeryi, ne rityuvachuruy variy ramu nudyetyadoda jiryatiy jiryimutyajada nudyimusirya.

⁷⁻⁸ Jiryeñi jita datyara nutyuramusiy jiryajantyara nudyivaayada, nutyuramu nuyvichanuyada ne pituvye jiryimu, dantyamuy ne nuñimyíñuyada mityara ti jmyisara, nutyu parucharityi nudyivaañuyada nupora jarye, nuryiñuma jiyasanta riy jiryetyevay. ⁹ Ne nuyvichasara jiryimyisarata, nutyu nusubyimiy nuñavicha jiryimusiy, nuñatidye barya jantyasara jiryeyju, jiryatidye jvaay daryantidye.

¹⁰ Nuñi vichadanumatiy jiryisa nuñiteda

vari y jiryiva: Nĭtimyū ne rajvaay, ne sajmyi.
 11 Nutyuvāchumā daryaju: Tavay rupiñumaya jiryetyevay, pituvye, tamā ruvaaryūy, tamā, mitya riityenumaya tīsa variyu. 12 Davyevyani jīta nuñitachara, nūdyeyasanta jarye risaju riy, Nutyityū Jesucrīstu jtyamu, riryatidye jvaay samidye, riryatidye jmyi varirya nuñi jimyisara day.

13 Jirye jīta, ratyeryiveda, ne jiryaparuy riva samirya jvaayada. 14 Nĭtimyū ne tuvāchururya nuñiteda caterava, jiryantya jnuy mitya sanācho, jiryeñuma rupi sisā, satidye jada riva. 15 Ne jiryajnuy variy jamiryamusiy sanācho; jiryadatyanu samirya vichādatani, ne jiryinuy jityeryi dañi.

Sācha Jūdenū jiryisā

16 Niday jīta jiryatīy samirya vichāda jamīni, santya sajeyasara jiryerya samirya vichasāda. Sācha Nutyityū jiryisā tītaju.

17 Ramyuchuvay tamitya jirye, ray Pāvuru. Rañuy rajyomututara. Ranuma ranīcha rañurya racyaterava. 18 Samirya rācha tītaju jiryeyū, Vūntyityū Jesucrīstumusiy.

Sayanuma jiryetyeryi Pāvuru

Judenu jto nijyanvamyu New Testament in Yagua (PE:yad:Yagua)

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yagua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files
dated 29 Jan 2022

741209ce-3bea-5617-a721-dc112d0873cd